


ГъимгъеркӀахӀе узби ва рузби!

ЧевяӀси ва Къудратла ВеґӀ Аллагълис ﷻ, дигъантира гъаргъира далусилис, лагълис камси бунагъ багъандан тамбихӀбарес ва халаси бунагъличивадра чевверхес вируси мусни-зубрала веґӀ-бекӀлис деза. Нуни бикъридеш дирулра ца Аллагъ ﷻ ахӀенци цархӀил аллагъ агнилис ва МухӀаммад ﷺ илала лагъ ва вакил виънилис. Аллагъла ﷻ саламти диаб веґӀла гӀергъисигъуна Идбағлис ﷻ, илала хъалибарғлис ва илала лебилра икъалачибас.



Эй, адамти! УружӀена хӀуша ЧевяӀси Аллагълизирад ﷻ ва къасбарая ил хӀушачи разивиахъес. Ил мурад сархес вирар илала хъарбаркъуни мар-марли ункъли тамандирулицун.

Дурхъаси Къуръаннизиб Аллагъли ﷻ (Дурхъаси сай ва ЧевяӀси сай ил) сунечи уркӀи-уркӀилабад битӀикӀути адамтала хасдешуначила бурули сай: «РяхӀму-уркӀецила ВеґӀла лугъри – илди ванзаличибад халадеш агарли башути ва цӀябти адамти чучи дугъабизалли, илдази «Хушаб даршудеш» бикӀути адамти саби» (Ал-Фуркан, 63).

Даширая гъанна нуша секъяйда чедиб гъанбушибси Дурхъаси Къуръанна аятлизиб чучила бурибтигъунги дегъес дирехӀел гъайкадулхъехӀену.

Къудратла ВеґӀли лерилра секӀал дедибси адамра сунела духӀнар лерти къиликъуначил сунечил цунулхъуси сай: илизир бунагъуни диресра къас леб, гӀяхӀти баркъудлуми дурадуркӀесра дигули сай, лайикъагарси барили урузиэсра дигули ахӀен илис, Аллагъли ﷻ къадагъадарибтазивадра гъарахъли уэс дигули сай.

СТР. 5

Сага дус

МухӀаррам баз – бусурмантала календарь хӀясибли дусла цаибил баз саби. Ил дургъби дузахъес ва хӀила душмайчиб чеббирцӀес къадагъабарибти авал базлизибад ца саби. МухӀаррам базла дурхъадешличила бахъна бурили саби Къуръаннизиб ва Суннатлизиб.

Ил багъандан гъарил бусурман адам къайгъилизвив виэс чебиркур ил дурхъаси базлизив Аллагълис ﷻ къуллукъличи кайзурли виэс. Имам Гъазалини сунела «ИхӀгъяъ» бикӀуси жузлизил белкӀун, ил базла баракат дусла цархӀилти бузрачира чебетӀниличил умутчевли виэс вирар или. Имам Нававилли (Аллагъ разили калабгу сунечи) сунела «Заваиду рравза» бикӀуси жузлизил белкӀун: «Рабазан базлис гӀергъи дубурцӀес бегӀлара гӀяхӀси баз – ил МухӀаррам саби». Табарини нушачи баахъибси цархӀил хӀядислизибра бурили саби: «МухӀаррам базлизив ца бархӀи дубуцибсилис абзур



баз дубурцӀухӀелигъуна гӀяхӀдеш бирар». ЦархӀил хӀядислизиб бурни хӀясиблира халаси керил биуси саби хаслира ил базла хамис, жумягӀ ва алхӀят бурхӀназив дубуцибсилисра.

МухӀаррам базлизив саби дурхъаси Гъяшура бархӀира. МухӀаррам – ил тавбадируси, веґӀлизирад кадикитачи пашманируси ва Къудратла ВеґӀлис суждабируси базра саби. Ил багъандан бунагъуназирад умудиз къасбарая ва хӀушани дарибти гӀяхӀдешуни дахъдаили хӀушачи чардугъахъес лебси имкан пайдалабарая.

Бишр бин аль-Харис

Машгъурси исламла гӀялим Ибрагъим аль-Харбийли бурибсири, Бишр бин аль-Харислизибад шигъуна аргъира или: «Иш дунгъа бархъбатурти адамти лебти саби, амма илди гъанбикахъибхӀели, илдада уркӀби мицӀирдирути сари. Лебти саби адамти мицӀирли саблихъаллира чучи хӀергъибхӀели адамтала уркӀби дубкӀути». Бишр бин аль-Харис даршудусми гъалавал нушазивад декларикилихъаллира, сай гъаникибхӀели уркӀи мицӀирбирути адамтазивад сай.

Ил бусурмантала хӀясибли 150 ибил дуслизив Багъдадлизив акӀубси сай. Илала хала дудеш Гъябду-РрахӀмай Идбағла ﷻ икъалачи Гъялизибад ислам къабулбарисире. Бусурман ветаэс гъалаб илис Бабур бикӀусире.

Бишр бин аль-Харис Багъдадлизив хӀербирути бусурмантала машгъурти

гӀялиматачив учӀули калунсире. Ил дигъунтазибад сабри Хамад бин Зайд, Ибн аль-Мубарак, Малик, Абукабар ибн Айаш.

Жагъли вирухӀели кеп-чеклизив хӀерирули калунсире.

СТР. 4



Бусурманла берка адаб



СТР. 2

Расулудлагъ ﷺ дигни



СТР. 3

Палтар чегънила адабуни



СТР. 5

Ахир заманала лишанти



СТР. 7

Бусурманла берка адаб

Беркала букнила шайчиб-си низам – медициналира марбариса саби, чархла арадешлис күүлукъличиб-си саблин. Бахъал адамти чула арадеш кулайбиахъес иличира хъарихъули саби. Исламлизибра беркала букниличила ва ил дарманбирниличила бурили саби.

Нуша сецад тамашадирули диахъеллира, беркала букнила къадриличила адамта инсаният акъубхейчибад балули саби ва ил шайчир лерти имканти устадешличил пайдаладирули сари. Жав замана нушала хала бегъта деклар-декларти излумазибад сагъбиес багъандан дарман саблин пайдалабирули калунсири беркала, илала жураби. Илала гъергъи сабри дармандирути къарани пайдаладирес бехъибхъибти ва илди дармандириличила багъурси. Къараназирадра химияла кумекличилра дармунти дирес бехъибхъили гъергъи,

беркесира дарманбуси биъниличил гъалабгъуна халаси пикри бяхъичиуси ахъенри. Тухтурти саби бикъуливан, ди-



етотерапия кийибил даражала саблин хъербирес бехъибхъиб. Амма гъаннара халаси опыти лебти тухтуртани зягиптас, дармунта бужес бехъибхъахъес маслигъятбарайчи, дарманби-

руси ва чус диргалахъебухъеси беркала букахъес хъарбирули бирар.

Сен ишхъелла замана-

баарила къадарлизиб беркала хъебукули, бархъли буралли, къаскъасли гушли буули, дахъал къиянти чекайсали саби. Илхъелира саби гъахъулали. Гашиличил излума сагъдарес вираб бикъути ва ил тухтурли излумазибад адамти сагъбирахънилизиб бузути тухтурти булан леб. Цацадехъи излумази бикибти зягиптас тухтурта беркайзибад гъелумбилзахъес маслигъятра бирули саби. Ишар гъай адамлис деклар-декларти сабабти хъисибли балхъебиркуси беркала хъебукахъниличилацун ахъен. Чукъаси виънилик алахахъути кулайдешуни лер или бурули саби.

Иличира хъерхъеили, беркала букнила низам – диета – бирканти дузахъес хъажатси къадарлизиб ва баарила къадар тухъдеш лебси беркала букнилик хъулчи кабахъибсири гъанналис И4 даршдусличиб имцали гъалаб – Ислам багъарбуиса замана.

Гъаман Ислам законтала ва маслигъятдирути секла цахънабикван хъербирули бирар, амма анцъукъ ил-

гъуна ахъен. Исламлизир лерилра секла лер, нешла канилав дурхъа вагъарирниличибад бехъибхъили буюрдеш кадилзахънилизирти назикти юридический тухтурлихъайдаличи бикибти, дунгъа кабизурхъейчибад илала ахир сабаайчи бетуиси замана бухънабутили саби илизиб. Исламлизир беркала букнила шайчир кабизурхъейчибад низамкъайдара белгидарили сари. Бусурман адамлис ил секла дебали мягъничеси саби. Адам рухъличилиацун ахъенну къакъаикъуси, ил сунела къаркъайчира пикриикъес гъагъниси сай, сенкун ил адамлис бедибси заманализиб пайдалабирес чараагъарси саби. Ахиратлизиб ил шайчибра илизибад жаваб гъалаббуси саби.

Исламлизиб берка шайчиб кабизурхъеси низамла бекълибиубси къайда саби – гъагъниличиб халаси беркала хъебукни. Мухъаммад идбагла ﷺ ца хъадислизиб бурули саби: «Адамла уршили бицъес вирус бегълара вайси гъагъни – ил сунела кани саби. ►► 6

Дугили бамсриихънила гъахъдеш

Дугела дехъибала дарили гъергъи усес калхъахъес ва шала шикъдехъунхъели жавли алзахъес бусурмантас суннализи халбуси саби. Гъанна биалли бахъал адамти дайдуги баили гъергъира телевизорли хъербикули саби ва, гъанк и ахъили балхъхъерули биъни багъандан, хъери баайчи бусули саби. Сен дугили усес гъагъниси?

Хъерила шалали адамла гъамурлизиб халаси мер бурбуси буили саби. Адамла биологияла шайчибси сягъят ил шалаличил бархъбаси бузуси буили саби. Адам дугили усхъевсалли яра зули калалли, ил сягъятла бузнила даража нукъсанбиркули саби. Адамла биологияла сягъят дурусли бузни уржили ва дурусли бузуси оркестрличил цугбуцес вираб. Къаркъа биркантира ил сягъят хъисибли сари дузути. Шалаличил дархъдасунти сари деклар-декларти биркантир къаркъайс хъажатти секли алкънира. Масала мелатонин биркантир алкъуси берхъи гъелабиркухъели саби ва ил алкъес дугили сягъят хъабал дикайчи даимбирули саби. Имунитет (излумаки къаршидеш дирес къаркъа биркантир устадеш) биологияла сягъят дурусли бузнилизибад дигахъ-

уси саби. Биолог Самир Хаттарли дурадъркибти хъалумцълабани чебахъиб адамла хъулбала сетчаткализибси мелатонинни шала супъируси биъни ва илкъайда биологияла сягъят бузусиу си биъни.

Амма дугели хъебусути адамтани ил шайчиб кабизурли лебси низам къаркъали булули саби ва чула арадешлис зарал бирули саби. Технологи-яла шайчибси революциялира адамла биркантир ва биологияла сягъят бузниличи гъагъмагъарси асар бирули буили саби. Бузери даимбарес багъандан адамли искусстванны шала пайдалабирули сай. Нушани хъумуртулра цъагъибубмад нушала биркантир мелатонин алкъес бехъибхъуси биъниличила. Хъилизибси мелатонинна даражализирад дигахъути дахъал секла лерти сари. Электростанция-базиб бузути хъанчизартала хъилизиб илала даража дебали гъагъси сабли уббулхъули саби, электромагнитла рамчанани асарбирули биъни багъандан. Камси шалаличилти хъулразиб бузутала хъилизибра мелатонинна даража хъажатсилчиб гъагъдла камли сабли уббулхъули саби.

1995 ибил дуслизиб США-лизибси Гъанкъла миллатла Ассоциацияли кабизурхъер халати гъамура америкалантазибад имцатигъунти гъанкъличил дархъдасунти зугълумази биркули биъ-

ни. Иличибли илдала гъанк ил бумцъули саби. Къанси замана кепирахъути держ пайдаладирилик гъанкличил гъагъмагъарси асар бирули буили саби. Усес гъалав узесра асубирули буили ахъен. Искусственный шалалира мелатонинни декъи асар бирули буили саби. Химияла дармунти пайдаладирилик ил шайчиб гъагъмагъарси асар бирули саби. Дугили гъанк и хъейхънилик ва искусстванны шалалиуви имцали вирнили адам жавли ухънавиахъули уили сай, умсахъули сай, цархъилти далагъардешуначи вяхъигахъули сай. Мелатонин лебти дармунти маслигъятдирути сари жавли умси багъарбулхъес, хъагъарирес вехъибхъели. Америкализиб ва Канадализиб мелатонин наркотикунала секлаи халбирули саби. Ил багъандан саби рецептуни хъисибли ахъенси бирцахъесра къадагъабируси.

Адамлизибси биологияла сягъят бузахъес хъасира гъагъси асар бирули саби дугили лайкъси къадарлизиб гъанк и ихънилик. Дугили бамсриихъни адамла гъабигъятли гъалаббуси шартли саби.

Нушала Идбагла ﷺ дугила дехъибала дарили гъергъи дирути ихтилатуни булан зараллатазил халдирусии. Илдигъунти ихтилатуни пайда хъехутази дуйгъусии. Дугила дехъибала дарили гъергъи бегълара

гъагъси усес кайхъни саби или бурбуси илини. Ал-Бухарини, Муслимни ва цархъилти хъадисунни рухънилизиб бузантани бурни хъисибли, Идбагла ﷺ дугила дехъибала дарайчи усес калхъахъес маслигъятбуси ахъенри, илди дехъибала дарили гъергъи ихтилатуни духъандилгъахънира заралласилизи халбусири. Дурхъаси Къуръаннизибра чуйнал тикрарбирули саби хъерила сягъятунни бузерилик пайдаладирес хъажатси саби или, дугила биалли – усес ва бамсриихъес.

"Ил – сай хъушаб дуги дусели, гъанк и – бамсриихъесли, бархъи – жигарчерли диресли дарибси" (аль-Фуркъан, 47).

Ил ва цархъилти аятуназиб берхъила шалала къадриличила чебетахъили бурили саби, Къуръан бархъибси заманализиб иличила балузира ахъенри. Ил Къуръаннизибси гъилмулашалси лебгъеб тамашала баян саби. Амма гъанна физиологияла ва цархъилти гъилмуртала шайчирти хъалумцълабани нушаб имкан гили саби Аллагъли ﷻ адамлис гибси дугилара хъерилара нигъмат сегъуна сабил аргъахъес. Гъарли-марли Къудратла Веги Аллагъли ﷻ сунела лугърас дахъал гъагъдешуни дирули сай. Илдигъунтазибад саби дугира бархъира детахъни, амма бахъли деклар илала къадри аргъили ахъен.

| | | | | |
|---|---|---|--|--|
| <p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p> | <p>Главный редактор Азиз МИЧИГИШЕВ</p> <p>Редактор Мухаммад РАДЖАБОВ</p> <p>Канонический редактор Мухаммад ДАВУДОВ</p> <p>Корректор Асхаб ДЖАРБАЕВ</p> <p>Дизайн, верстка Мухаммад МУХИДДИНОВ Иса ОМАРОВ</p> | <p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p> | <p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.</p> <p>Заказ _____</p> <p>Сдано в печать: (график) 30 сентября 2016 г. в 18:30 (факт) 30 сентября 2016 г. в 18:30</p> | <p>Тираж 3 550 экз.</p> <p>Адрес редакции 367027, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.</p> <p>По вопросам подписки и доставки обращаться по телефону: 914-222, 8-988-291-42-22.</p> <p>e-mail: assalamweb@gmail.com; www.assalam.ru</p> |
|---|---|---|--|--|

Расулуллагъ ﷺ дигни

Идбагли ﷺ иб: "Хушазивад цалалра дин таманси (иман лебси) бетхларар, хушаб ну хушала дурхначив, дудешличив, лебилра адамтачив дигахъусили ветхлеурли левалцадхи" Аллагъличи ﷻ таманси бирхауди – гъарил бусурман сунечи хуликъуси чебяхъси мурад саби, сенкун гъарли-марси ва бархъси дин – ил иш дунъяличибра итил дунъяличибра талихлис хъябурц саби, иличи ваахъес икъала-бируси къакъбяхъ лебси саби – ил Аллагъла Расулличи ﷺ диги саби, сенкун илини сай Аллагъличи ﷻ левкуси. Аллагъличи ﷻ ва илала вакилличи диги – ил саби динна беклибиубси бухнабуц, Исламли-зир беглар ахъли къиматладироти дурхъадешуназибад беклибиубси ил саби. Аллагъ ﷻ дигахъусицун виэс вирар илизивад гъарли-марли урухкълусили.

Идбагличи ﷻ дигила мягъна сегъуна сабив? Идбаг ﷻ дигахъни – ил чевяхъирни, илала хурматбирни, диннис гъайличил ва баркъудили-

чил кумекбирни, илала адаб-хля гъерисни, илала Суннат ва Шаригъат дузахъниличичи чекайзни саби. Аллагъла Расул ﷺ хлейгахъуси адам илала Сунналичи ва Шаригъатличи чекайзурлира викълуси виалли, ил къумбаугъули сай, Аллагъла Расул ﷺ



дигахъуси адам илала гъуйчивад ва-шуси, илизирти пергер къиликъуни сунезирра диахъес къайгъилизивси адам сай. Сай Идбаглира ﷻ бурисири: "Хушазивад цалалра дин ва иман таманти хледирар, нуни се хилрал хушаб, ил дигахъути детхлеурли лералцадхи". Аллагъла Расулли-

чи ﷻ диги – кабизалачебти ва Аллагълизибад ﷻ урухкълуси лебилра бусурман адамти сархес мурталра хъулбикълуси даража саби, ил урклла цакъ саби, рухъла беркала саби ва илдигъунти диги сунезир агарси адам вебкълусиличи мешуси сай. Илди

диги агарли вирхуси адам нурли шалаварили хлейрар, Аллагъла Расулличи ﷻ диги урклилизи минадиубси муъмин адам сай гъарли-марли ара-сагъси ва рухъла шайчив умуси, сенкун адам сегъуна саял илала баркъудлумани бурули бирар. Нушала дурхъаси Идбаг ﷻ викълусири: "Адамлизиб бирклан

лебси саби, ил сагъли биалли лебилра къаркъала сагъли бируси саби, ил зягипли биалли – къаркъалара изули бируси саби. Ил – уркли саби". Расулуллагъ ﷻ асхлябтас, илала шайчибти табигъинтас илцадра дигахъусири, хлятта илдизирти Идбагличи ﷻ диги цархилти бусурмантас гъибратли диротири. Савбан ибн Малик ﷻ бикълуси асхлябтас Расулуллагъ ﷻ илцадра дигахъусири ва ил чехлейхъели халаси децълизив вирусире. Гъачамра ил Идбагличи ﷻ пашманни кайзурли вакълбхъели, илизи Идбагли ﷻ хъарба-ибсири: "Хед се бетаурли?". Савбанни ﷻ иб: "Ва Расулуллагъ ﷻ, ну зягипли ахленра, амма ху чехлейхъели ну къиянти цундешлизи виркулра. Ху чайчи ахиратличила пикриикълудра ва ху чехъели илав вагъаришагу или къакъаикълудра, сенкун ху итхъели идбагуначил варх вируд. Ну алжайзи ваасли, сеннира хъела юртличи гъамли вирус. Илизи ахъецъасли, нуни ху гур чез хлейрус". Илхъели Аллагъу Тагъялани ﷻ (Къудратла Вегили) гъергъиси аят бархъиб (мягъна): "Чи Аллагълисира ﷻ илала Идбаглисира ﷻ мутъигъли виаллира – ил илдачил вирар, Аллагъли ﷻ идбагунала ургабад гъалаб чебаибтачил варх вирар, илдала пергер валликъяна сайлин". Аллагъла Расулли ﷻ ил аят белчълунхъели Савбан ﷻ дебали разивибсири, ахиратлизив сай иличил варх вирниличила багъурхъеливан. ►► 6

Хулафа Рашидин

Гъалагъай

Аллагъла ﷻ вакилла (Аллагъли дурхъара чевяхъира ва-рабну сай) рухъла шайзибад жагаси баркъ касибти, илис марти асхлябтала уржибти къяянала гъабкъянаби саби «Хулафа Рашидин», дурусли буралли – «Дурхъати авал халиф». Хъера, илди саби Идбагла ﷻ беглар гъамти ва илис дигути асхлябтала зубартала халаси цахънабик (Абу-Бакр ﷻ, Гумар ﷻ, Гусман ﷻ, черяхъти адуцалала дурхъаси Гъяли ﷻ).

Духути адамтани белгибарни хлясибли, инсаниятла историзилизиб, жагати адуцалала, бархъдешла, адамти дигахънила ва адаб-хляяла шайчиб, сегъунтирра ташмишдеш агарли, къулайдешунала «Ас-Саадат» Манзил сабри. Сенкун илгъуна талихъла манзиллизив хъериурли Мухаммад Мустафа (Аллагъли дурхъара чевяхъира ва-рабну сай). Ил манзил къелгъеббикъусири илала сахаватдешла, уркъецъила ва рухъла шайчибси асарлиуб. Ил манзил ил левнила талихъли, мурхъли пикрибикълнила агихъляйзиб ункъли ва гъарли-марли багъуртири Аллагъла ﷻ Илала Вакилра ﷻ Ит манзилла

жамагъят, бахъхъила мурхъси цълбдешлизибад чебсаргъили, гъалабахъли арбъкъундешла, талихъла ва адабласи бетуцла беглар чихъси ахъдешличи баили, Аллагъ ﷻ урклили вагънила даражаличира бикиб – «магърифатуллагъ». Ил обществолизи каберхурти биалли, Исламла историзилизиб «аль-

мартили калун. Ил багъандан, Аллагъла ﷻ Вакилла ﷻ дугъби, баркъудлуми, бетуц гъялхъил дяркъурти, саркъахъили нушачи даахъибтала цайли цаси насаб саби асхлябтала.

Илди саби гъарли-марти авал асхляб – «Хулафа Рашидин» Чула урклби Аллагъличи ﷻ



Асхлябуль-Кирам» саблин калун. Цархилван буралли, «дурхъати асхлябти» гъар шайчибад ва уркли- урклилабад дурхъаси Идбаглис ﷻ даим

ва Илала Идбагличи ﷻ дурхъати дигили нурливан шаладарибти мардешла асхлябти таманни барсбиубтири, чулира Идбагла ﷻ адуцала, жагати къиликъ-

уни, адаб-хляя гъерасибтири. Хурматла Идбагличи ﷻ дигили бицълбси илдала рухъла шайчибси дунъя зурба къялгъначи — Аллагъ ﷻ урклбани вагънила хазналичичи — Магърифатуллагъличи шурбухъун. Гъямура бетуц белгибирути-сипатбирути илдани дурути, сарира пасихъдешла ва беглар мурхъти ва дурхъати багъудлумала хъулначир делшунти, беглар жа гати насихъятунили ва гъерасести гъибратунили детаур. Нушала Паччяхъли Идбагли ﷻ дурхъати авал халифла манзилличила гъалахили бурули, ил викълусири: «Ну арякъи гъергъи караматчебтала Халифат гурра хлябцъали дус кавлан». Илкъяйдала, илини бурибсири сай агарвиубли гъергъи Халифат вавали бирхъути ва ил хлярхълбулхъути манзилти дирниличила.

Дурхъаси Абу Бакр Ас-Сыддык (Аллагъ ﷻ разили калаб)

Дурхъаси Абу Бакр ﷻ, Аллагъла ﷻ Вакилла ﷻ мурхъти дигила ва игъдибарла ахъси даражаличи лайкъикибси, арагъев илис марли калунси ва сай илис багъишлаварибси, «Аср Саадатла» манзил ца-ибил халифли викълбсири. Илини Идбагличил рухъла шайчиб дурусдеш-уржибдеш сархиб. Ил иличи мешукиб, цагъунсили ветаур. Аллагъла ﷻ Вакилли ﷻ иб: «Дила урклилизир лерти гъар секла

нуни Абу Бакр Ас-Сыддыкъла ﷻ урклилизи минадарира». Аллагъла ﷻ Вакилличил рухъла шайчибси гъалдешла даража, цаван пикрибикълни илис дурхъали кабизурсири — балу-балули дунъяла дахъал нигъматуназибад, къулайдешуназибад сунени сай мяхълумварибсири (ишаб Аллагъла ﷻ вакилла мурадунни детер- хахъес къулдукъичи кайзурли ибси мягънализиб). Сенкун гъарли-марси адамли беглар дурхъаси багъа бедес мяшгълебиру дурхъаси адамла, дурхъаси Идбагла ﷻ диги сархес багъандан. Камси манзиллис нуша сунезир хъердируси дунъялис багъа биалли, ил Аллагъла ﷻ шайзирад диги сархес дигъни саби. Халаси хурматла Абу Бакрли ﷻ Къудратла Вегили Аллагъличилти ﷻ ва Илала Вакилличилти ﷻ дурхъати гъалмагъдешла муриси тлагъам ва имкан касес, гъалмагъдешла ва дигила чеблалув кахъелес багъандан лерилра гъямурилизиб хляракат бирусири. Аллагъла ﷻ Вакил ﷻ биалли, тлагъят бирнила шайчир дакълутира дигъянатира баркъудлумала ва адуцалала шайчив беглар халаси ахъдешла цугъайнив сайри. Маккализив вецълну хлябра дус тиладивикълуси, аргъахъес къайгънавирикълуси хъяли, гъялхъдеш хъебиубли, къайгъни цабехъличи цабехъли къаршили калзниличи шурдухъунхъели, Мединализичи аркъулри. ►► 7

Бишр бин аль-Харис

1 « Сенрил гъачам къакъализивад аркъухтели илини нядешуназиб сунечи Аллагъла ﷻ у белкунси гягала бутла баргисире. Илини заклизибяхи бекI ахъбуциб ва иб: «Ва дила Аллагъ ﷻ, хела у ишаб лайбакИли саби ва ганзкабирули саби». Илини гягала бутла касиб, бирцили умубариб, сунезир къаршидикибти лерилра арцлис мискI асиб ва ил гягаличи тлембикIахъес кертИб. Пур умуси мерличи кабахъиб. Ил дуги муэрлизиб илини тIама аргъиб: «Бишр, хIуни дила у умубарри, ил багъандан нуни хIура кIелра дунъялизив умусили ветарахъури».

Илхейчивад ил Аллагъличи ﷻ чарухъун ва дунъяличиб акIубти дурхъати адамтазивад цали ветатур. Дунъяличиб илдигъунти бахъал лебти ахленри.

Илини гIурра муэрлизиб Аллагъла Расул ﷺ чеиб ва илини Бишрлизи иб: «Бишр, балулрив хIуни, сен хIу Аллагъли ﷻ хела заманала адамтазивад илкъяйда ахъуцибсирил?» «Ахленра къалли, Аллагъла Расул ﷻ», – жаваб бедиб илини. Идбагли ﷻ иб: «Дила суннатличи чекайзни багъандан ва илкъяйдали дурхъати адамтала хIурмат бирни багъандан, хела узбас хIуни гIяхIти гIякълуми дурни багъандан, дила гъамтачи хIезир халати диги лерни багъандан, дила икъалачибала хIурмат бирни багъандан».

Гъачамра ил дабрумала устачи музавхъун ва сунела дабрилис кIиъ биха иб. Ил бархIи уста вагагарли мага урги, илини Бишрлизи къаркъли иб: хIуни адамти паргъатагарбирури!

Илхели сунела някълизибси дабри лайбакИб, гIур къяшличибад итил дабрира чебатур ва илра лайбакИб, гIямрулизир гIур дабри чехлегъес хъя бариб. Ил багъандан саби адамтани илис аль-Хафи би-хъибси, цайкъяшмар ибси саби.

Ибрагъим аль-Харбийли иличила буриб: «Багъададлизив иличив гIякълу бугаси адам хейри, иличив лезми мяхIкамбирусира хейуб ургар. Иличибси гъарил гъезлизиб булан гIякълу бири. Илала гIякълу Багъададлизиб хIербирути адамтас бутес биалри, лебилра пасихIти бетари, амма илхелира сунела гIякълулизибад селра камхIебири».

Иличила ГIяхIмад бин Ханбалли буриб: «Илгъуна гIур адам хейуб, чIянкIли ца Амир бин ГIябдулкъайс халхIералли».

Сунес гъалаб буибти ва сунес гIергъи акIубти дурхъати адамти къяйдали, илра гъачамалра велкъайчи укуси ахленри. Илис абзур бархIилис ца биштIаси къяжа биусири.

Бишр викIусири: «Гашили уркIи умубирахъуси саби, гашили дурхъати гIилмурти руркънилисра гъамадеш алкъахъуси саби».

Сенрил гъачам Бишр сунела валликъяначил къуюличи гъамиуб ва иб: «Гъандуца цархIил къуюличи детаайчи». Илала валликъянашин держес дигулригу, амма илини хIетур. Илкъяйда илди хIябал къуюла мякълабад шинни хIебужили шалгIеббухъун. Илхели валликъянанни гъандуцес хейуб ва иб: «Ва абу Наср, ну гIяжизублира, милигдешли къакъаварилра!» Бишрли илизи иб: Гъандуца. Нуша илкъяйда сарра

иш дунъялизирад аркъути».

Гъачамра Бишр сунела тянишличил варх кайилри. Илдачи ца адам вакIиб ва Бишрла тянишлис чумиздагуни дедиб. Илини биалли Бишрлизи чумиздагуни деркахъес маслигIятбариб. Бишрли чумиздаг някълизи касиб ва хункIлизиб гъяжбарилли заябариб, гIур иб: «Ну Аллагълизибад ﷻ уружIекIуси ветарулла, нуни ишди адамти хIербикIахъули дукути ахлен, ишди нуни дигIяналира хIедукас».

Илкъяйда чекайзурси вирусире ил хIериэс хIяжатти секIал тIалабдирниличира, цацахIели ил къарцинтани асес бирути секIал тIалабдаресра ахъри агарли къаршииркусири. Бурули бирар гъачам Бишр бин аль-Харисли «АвцIали дус виублира берцибси дIяла тIем багъес хуликIули, амма гъачамлис ил барес виубли ахленра, сенкIун ил асес хIялалли сархибти арц даргес хIейбли левалра» или. Илини



бурибсири: «Дунъяла нигIматуначи карцIси танбихIличи хIерли кайаб».

Бишрла хIябал рузи лебтири. Илдира чула узиван Аллагълизибад ﷻ уружIутири ва камси секIайчиб гIямалбирули хIербирутири.

Гъачам Бишрли сунела рузизи бурибсири. Канилизирти гашили гIяжизурула или. Илхели рузини илизи иб: «Дила ца къялши бетIула леб, хIуни пурбанбара нуни илдазирад хIед нергъ дирис». Илини жаваб бедиб: «Мадирид. Ну уружIулла, къиямалла бархIи набзи хIуни илди декъ чинарад дикахъири али, жаваб бедес хейрус или». Илала рузбазирад ца гъачам имам АхIмад бин Ханбалличи музарухъун ва илизи иб: «Нуни дугили дуругли лужIухIели, чирагъ билшахъули рирус, бацла шалалиур лужIули рирус. Гъимирти дирцухIели, нуни илди декIарли дирцес мага гIягIнисира?» АхIмадди иб: «Илди гъимиртазиб хIуни сегъуна-биалра декIардеш хIясибвирули риадли, илди исаннизи хIуни иличила бура». Гъачамра Бишр сунела рузбазирад цаличи музавхъун. Илини унабурихIиличибад ца къяш бета-

тур, итил къяш къакъализиб батурли. Илкъяйда тIашизурули ил шаладикайчи калун. Савли рузини илизи се бетаурли или хъарбаибхIели, илини жаваб бедиб: «Ну Бишр бикIуси християнинничила ва Бишр бикIуси жугъутIличила пикриикIули калунра. ПикриикIули калунра дила ула чевкадра. Нуни набзи хъарбаира: «Сегъунти къуллукъуни багъандан хIед бусурман адамли акIес игъбарбиубси?» или. Наб илгъуна къуллукъбарни багъандан Аллагълис ﷻ улгули уира. Шаладикайчи ил сабри нуни бируси».

Илала адамтани бурес агарли халаси хIурмат бирусире. Сунени сай биалли илгъуна хIурматличи лайикъсилези халируси ахленри. Ил дебали уружIусири къиямалла бархIи пужирура или. ХIядислизира бурили саби, Аллагъла ﷻ гъаларти вегIла къуллукъуначи пахрубирес асухIебирар, сецадла адам сунечи сай пахру камси бируси виаллира,

арку».

Гъачам Бишр бин Харислис гъуйчиб бержили кепкайубси адам къаршиикили сай. Кепкайубсили Бишр кIапIуцили сай ва илизи викIули сай: «Ва дила хужайм Абу Наср». Бишрли кепкайубси сунечивад къужварили ахлен. Пур ил декIарикибхIели, Бишрла хIулби нургъба дицIили дуили сари. Ил сунези сай викIули сай: «ХIерагу ца, адамличила гIяхIси гъанбикили, адамли адамла хIурмат бирули сай, сунела хIурмат барибсили биалли балули ахлен сунес се бетарарал, дигахъусили вирарал хIейрарал».

Ал-Фатх Шахрафли бурибсири сай мякъла кайили левли, Бишр аль-Харисличи ца адам гъамиуб ва илини Бишрлизи ишгъуна суал бедиб. Бишр пикриухъун ва гIяхIцадхIи лехIкахъили калун. Пур илини бекI ахъбуциб ва иб: «Я дила Аллагъ ﷻ, хIуни балулри ну гъайкайкIес уружIули виъни, хIуни балулри ну лехIкахъили калес уружIули виъни. ХIуни балулри хIуни наб лехIкахънилар гъайкайкIнилар ургаб тамбихI биру или уружIули виъни».

Илини гIурра бурибсири: «Эгер нуни баласри къяшмази къаркъа бигъи, ну урхъулизи гIяхIухъунхIели Аллагъ ﷻ набчи разивирни, нуни илра бирира».

Бишр бин аль-Харис викIусири: «ХIяжра гъазаватличибра садакъа барни гIяхIси саби. ХIяжли аркъуси яра гъазаватли керхурси цархIилтанира чейули сай, садакъа бирусили биалли цархIилтазибад дигIянали ил бирули сай, ца Аллагълицун ﷻ саби илини бирусилличила балуси».

Бишр бин аль-Харис иш дунъяличивад хIижрала 227 ибил дула рабигIул аввал базлизив 75 дула гIямруличив арякъун.

Ил хIяриихъес бахъал адамти муза– бухъунтири. Илди хIясиббарилли, маш– гъурси гIялим ГIяли аль-Маданини ахъли ибсири: «Аллагъличи ﷻ хъябирула! Иш дунъялизиб итил дунъяла хIурматбирули чебиулла».

Аль-Киндини бурусире сунени вебIили гIергъи Бишр бин аль-Харис муэрлизиб чеира или ва Аллагъли ﷻ хIед се бариба или хъарбаира или. Илини жаваб бедилри: «Аллагъли дила лерилра бунагъуни дирциб ва къяшмачи мургъила дабри чегъур ва иб: «Къуръан– дила калам саби» ибни багъандан саби хIед иш бируси».

ЦархIил адамлира ил муэрлизиб чеиб ва Бишрлизи ишкъяйда хъарбаиб: «Аллагъли ﷻ хIед се бариба?» Бишрли жаваб бедиб: «Аллагъ ﷻ набчивад ва ну хIяриихъес музабухъунти лебтачивадалра чевкерхур. Къиямалла бархIи сабаайчи ну дигахъутачивадр чевкерхур».

Къудратла Веги Аллагъ ﷻ, хIуни нушала уркIабазир хIела Расулличи ﷺ диги имцIадара, илала икъалачибачи ва илдас гIелабад башули калунти дурхъати адамтачи диги кадихъа. Амин.

Хулафа Рашидин

3 « Ил гуйчиб Севр биклуси гинихъ чебаахъбсири. Илар илис гьаргдиубтири Аллагъла ☞ дахъал гяламатунира. Пур ил Аллагъла ☞ хлекъдешунази мурхьиркнила ва уркъби гьаргдирнила шайчибси школалли бетаурсири. Илабси илала архя хябал бархъира хябал дугира бухъанбитунсири.

Идбаг ☞ илав сайцун ахенри. Илала юлдаш, идбагунас гьергъи дунъяла адамтачив беглар дурхъаси — хурматла Абу Бакрли ☞ игъбарла пай баибсири — илди хябалра дуги— хери Идбагличил ☞ варх гиникълизив виэс. Ил манзил гинихълизив лебти хяблизивад ил килэсил сайри (илдачил варх Аллагъра ☞ леври). Хлекъдешла Нур ☞ сунела дурхъаси юлдашлизи «...шишиммайкуд, Аллагъкун ☞ нушачил варх сай!» вилкули, (ат-тауба, 9/4), Аллагли ☞ алкъахъути кьулайдешунала, гьербурцила, дигъандешуни гьаргдирсири. Пилму делчунти гялимтани илгуна анцбукъ цазаманализиб дигъанали зикру бирахъес бурсибирнилис бехибхъуд саблин ва Аллагъла ☞ гьалар уркъби урухкнилис цаибти лишанти дакдудухъни саблин сипатбирули саби. Тасаввуфлизир уркъиличирад уркъиличи дигъандешуни дурхъниличила гъайиклалли, Исламла тарихлизиб (историялизиб), илгуна цаибил анцбукъ кабикибси мерлизи халабирси саби Севр биклуси гиникъ. Илдигъунти цаибти дигъанати багъахъниб бегл гьалар дагъес игъбарла пай Абу Бакрли (Аллагъли ☞ дурхъаварабну сай) баибсири. Ил багъандан, хурматла Ас-Сыддыкъ ☞ дунъя лебалцадхъи дамбирси, Мургъила Силсилала Идбагла ☞ гъуни дамбарибтазивад цаибил сай. Цархилван буралли, Севр гиникъ рухъла шайчиб бехибхъудла багъуди кайсахънила шайчиб

мягъничебси анцбукъли бетаур, суненира дахъал дигъандешунала гуйчив лагъ Аллагличи ☞ гъамируси. Илени иргъахъси саби, лерилра дурхъати ва черяхъти гундура бяхъибиз, къасани ва хъулани Аллагличи ☞ ва Илала Вакилличи ☞ дигъила даражализирад дигахъути дигъни. Дигъила шуртгърили ва лишанни диэс дирар веглис дигуси адамли чеббиклибси гъуни гьербурци. Дурхъаси Абу Бакрла ☞ гямури илдигъунти лишантани дицъили сари.

Абу Бакр ☞ набзив, ну биалли — илизив...

Аллагличи ☞ халати дигъила ва Илчи гьаргъдешла ламилизи къгънили, Абу Бакрли ☞ сунечила хъумкартурсири. Чянкъли Аллагъла ☞ Идбаг ☞ левнили ва илала мякълав вирес имкан акнилицун сайри гямурула хлекъдешличи чарухъахъунси. Абу Бакр ☞ Идбагличил ☞ гьар къаршикибхъели хяйвалтусири (Аллагличи ☞ дигили сунечила хъумуртусири). Идбагла ☞ мякълавхъели биалли диги гьатгъиралра цакъдиклутири. Гъачам Аллагъла ☞ Вакилли ☞ иб: «Ну Абу Бакрла ☞ лебдешличилван чилалра лебдешличил пайдалахъейубра». Сунела сай вегъси «ну» беткахъахъибси ва Идбагличи ☞ халати дигили вицъибси Абу Бакр Сыддыкъли ☞ илди гъай аргъибхъели, илис сай Аллагъла ☞ вакиллизивад ☞ къяквердириван гъанаур. Вайтла уркъи къизбухъун. Илгуна декларикни бетхъахъес къасли илини иб: «Я, Аллагъла Расул ☞! Нура, дила лебдешра хъела, чянкъли хъелацун ахенрав?» Илени иргъахъули саби, Абу Бакрли ☞ сай ва сунела лерилра гямури дурхъаси Аллагъла Расулли ☞ багъишларни. Чула килалра бархъасунала хлекълизив Аллагъла Расулли ☞ иб: «Абу Бакр ☞ набзив сай ва ну илизив сайра.

Абу Бакр ☞ иш дунъяличивра дила узи сай, ахиратлизивра узи сай». Иличибли илини баянбариб саби рухъла шайчибси цаси дунъяличиб биъни ва чула уркъби цаван пикридиклини.

Идбагдешла дигъандешуни дагъахъурси беглар гъамси юлдаш

Дурхъаси Абу Бакрли ☞ сунела уркъли умуси, цяр-цяр или рухълуси дихъимцъалаван умубариб, суненира Аллагъла Вакилла ☞ рухъла шайчибси дунъя чебаахъес биэсли. Аллагъла Вакилличил ☞ бархъасунси гьарил секлайзи вархъаснили, Абу Бакрла ☞ уркъилизи мурхъси пикрира мягънара минадиуб. Чевяхъси Къудратла Вегъла аятуни, Аллагъла Вакилли ☞ дурути ва дирути гьар секлал мурхъли пикридикнила ва илди иргънила шайчив ил лебилра асхъабтас гъалавхъун. Сунела пасихъдешличибли, секлал хъархъли иргъниличибли ва мурхъли пикривиклес балниличибли, гъалахили секлал балниличибли, илини имцъати адамтас аргъес имканли ахенти секлал аргъили гунчидушиб. Хера, аркъянайла хъажла замана Чевяхъси Къудратла Вегъли ишгуна аят бархъибсири: «Ишбархъи Нуни таманбарира (бурхъуси) хушаб хушала динничи бурхъуси, Дила уркъеци ахирличи бушира ва хушаб хушала дин саблин Ислам чеббикъира» (аль-Маида, 5/3). Илаб къаршикибти имцъатигъунти чус дин белгибарниличил разибиуб, амма гъалахили секлал балуси дурхъаси Абу Бакрли ☞ аргъиб Чевяхъси Къудратла Вегъли Сунела дигуси Расул ☞ вахъли агарли ахиратла хъули аркъиличили. Вахъли агарли илизивад декларикес чевкънила децъили уркъли шишим анцкъили бицъиб.

Абу Бакрла ☞ караматдешличила ца гъатли баян

Арадеш нукъсанбикни багъандан, сунела гямурула гьергъити бурхъназив Аллагъла Вакил ☞ мижитлизи вашес вирули ахенри. Жамигъатла дехлибала дирухъели имамли вирахъес Идбагли ☞ Абу Бакрличи ☞ хъарбариб. Ца бархъли, бара кьулайдеш гъанаурли, Идбаг ☞ мижитлизи гъаввакиб ва асхъабтачилси ихтилатлис гьергъи илини иб: «Гъарли-марси Чевяхъдешла Вегъли Аллагли ☞, Сунела лугъразивад цалис ихтияр бариб дунъяла нигъматуназибадра сунела лерти нигъматуназибадра чидил биалра ца чеббикъахъес. Ил лагъли Аллагъла ☞ лерти нигъматуни чердиклиб. Илди дугъбани дигили бицъибси Абу Бакрла ☞ уркъиличи халаси асар бариб анцкъили ва хумардешли буциб ва илала хулабазирад кьуткьути нургъби чяхъдехъун. Илини итмадан аргъиб Хурматла Идбаг ☞ чузивад деклариркнила гъайичил чучи дугъайзури виъни. Илкъун сунела идбагдешла дигъандешуни гьаргдарибси цайли цаси адам сайри, Илхъели нургъбани килатликъули, илини иб: — Я Аллагъла Вакил ☞, ху багъандан кьурбантили биаб дила неш ва дудеш. Ху багъандан нушани нушала дудешуни ва нешани, нушала гямури, лебдеш ва дурхъли кьурбанбирехъе (Гяхъмад, ш, 91). Ила цалакибтазивад ца Абу Бакр ☞ ахенги чилра шакъхъейкиб дурхъаси Идбаг ☞ дунъялизивад деклариркули виъни. Я асхъабтани балули ахенри Абу Бакрла ☞ нургъбас сабаб. Тамашабирули илди цализи ца биклутири: «Тамаша, гъести гямурула ит адам сен висуси? Аллагъла Вакилликлун ☞ Аллагличил ☞ вархикес дигуси дурхъаси адамличила бурули сай».

Ахир заманала лишанти

Ахират гъамбикниличила бурути дахъал лишанти лерти сари. Халати лишанти гъачамлис дагъар дулхъес дехидихъили ахен. Амма или чила бурути дахъал дигъанти лишанти хъасибдарес вирули сай.

Дигъанти лишанти:

- Дагърила шайчирти цябдеш имцъадиклули сари, багъудлуми (дина шайчирти) камдиклули сари.
- Цябти адамти хукуматлис бекдеш дирниличил лябкъули саби, илди адамтас буйрухъбиклули саби.
- Кепирахъути держ пайдаладирни имцъабиклули саби.
- Динна шайчирти кьуллукъуни лайикъагари адамтачи хъардиркули сари.
- Гялимти бунагъуни диранти бетарули саби, динничи кабизурти адамти цябдешлизи саби.
- Адамтани чула мурадуну сархес къасличил цархилтала хурматбирули саби.
- Хъунрала асарлиу бикили, муйли чула бегъгачи къаршили дурабулхъули саби.
- Лайикъагари адамтани жамагъатла бухънаб хурмат сархули



саби.

- Музыкали адамтала гямурилизив халаси мер бурцули саби, хъазла ваяхъли имцъали пикри битликлули саби.
- Дахъал дерхъаначилти ахъти юртани лушули сари.
- Сагаси наслули чус гъалабси наслу цябсилизи халбирули саби.
- Умугъибхъести адамти камбиклули саби. «Пулан мерличиб гъахъти адамти теб» биклес бехикабирхъур.

бархъси гуйчибад чебулкъахъу.

- Гъар мерличиб зурмукартира гуж-зулму дирантира имцъабидибли саби.
- Бархъси буриси хелтанбирули саби.
- Жагъилтани дахъал бунагъуни диру, хъунул адамти хъархъердешлиубад уббулхъан.
- Адамтала ургар диги камдирар.
- Бунагъуни гапдирес бехибирхъур, дин бузахъни цяхъси баркъудилизи халбиру.
- Динна шайчирти кьуллукъуначила хъумкарту.
- Хъунул адамтани бекличир дахъал журабала кълумби-къапни диху; илдацир палтар лерли диалра, чянкъли бирар; къаркъайчи цапакунти палтар диху.
- Муйлас вершадеш дирути хъунул адамти бахъбиур, къехъбадеш имцъадирар.
- Исламлизивад ца уцун кавлан, Дурхъаси Къуръаннизивадра ца чебиъницун кавлан.
- Адамтигъалимтачи лехъхъейхъути бетарар ва имцъали цябти адамтала асарлиу биркур.
- Гъанна хушани Идбагли И400 дус гъалар гъандушибти лишанти ишбархъила гямуриличил цугдуца.



Палтарличи арцантала дек кадикалли, дехИибала дарес асубирару?

Эгер дек хедерубти диалли-илдас гЯфву (чев-верхни) бируси ахлен. Амма дек дерубти диалли, гЯфву бируси саби хушани кайцуси мерличи (кьалтийчи). «Мажмуь» биклуси жузлизиб белкИи саби илди палтарличир диаб илди, кьаркьайчир диаб. Арцантала деклис гЯфву бирар: 1) адамлис илдазивад верцес кьиянни биалли; 2) эгер адам-ли балу-балули сунечи дек кахедиркахули ви-алли; 3) дек дерубти диалли ва илди кадикибти палтарличир, кьаркьайчир яра дехИибала дируси кьалтийчир хЯбидеш хедиалли. ХЯнапила маз-гьаб хЯсибли чула дИь беркес асубируси лерил арцантала дек нажаслизи дуйгУти ахлен («Фат-хул-Муин»)



Мижитлизи башути цабехИл и илизи бухНай-хьухИели салам бедлугули бирар, цархИлтани дехИибала дар или гьергьицун. Чидил ти бархьти?

Гьаланачи кИел ракагИтла дехИибайчил Кьу-дратла ВеГI Аллагьлис салам бедес чебиркур. Илис «тахИят» биклар. МижиткИун Аллагьла ﷻ хьали саби. Эгер замана камли биалли яра черлидиубти дехИибала кьандирули диалли, цархИлтани дехИибалара дарес асубирар. Илди «тахИятлалира» дирар. Илала гьергьи мижитли-зибти мубаракбаресра асубирар.



Адамли чилалра шайзибад кумек агарли ислам кьабул-барес вирару?

Вирар. Эгер бусурман ахленси адамлис Ислам кьабулбарес дигули виалли, сунела мягИнара ир-гьули, иличи сай вирхра аурли шагьадатла фор-мула буралли баибси саби Ислам кьабулбарес ба-гьандан. ИлхИелира ил адамли уркИи-уркИилабад аргьес гЯгИниси саби сужда бирес гЯгИниси цайли цаси Аллагьлисцун ﷻ биъни ва Макка-лизив акИубси ва Мадиализив хЯриихьибси ГЯбдулагьлара Аминатлара урши МухИаммад ﷺ Аллагьла Расул (вакил) виъни. Шагьадала дугь-би ишкьайда дурути сари: «Ашгьаду аллаилагьа иллалагь ва ашгьаду анна МухИаммадан Расу-луллагь». Амма илис гьарли-марси бусурманни ветаэс багьандан Исламла хекьелизирти белги-ти багьудлумира дагьес чебси саби. Ил мурад сархес халаси кумек барес вирар ислам ункьли балуси адамли, ил багьандан саби илгьуналичи дугьилзахьес маслигИятбируси, хЯтта илди ба гьуддумачира адам сайцун веГIесра вираллира гьарли-марли бирхауди бихьести жузавивад сай-цун учули.



Мекьличив улхьес асубиру-сив?

Мекьличив разили ватухьес асубируси саби. Амма асухИебируси секлал бируси ахлен. Нушала мукьрачиб сели биркьули гьатИи адамти? Мурул адамтира хьунул адамтира хленкьелизирти мазаван дазуагарли булхьули саби. Илгьуна баркьуди Исламла кьадагьа-барисси саби. Исламла урхИла хьуна, илала хIурмат-кьимат хИедуэс багьандан, хIулбази хИеризахьес кьадагьабирули биалли, сейкес вирусил булхьухИели чус дигуси тьхЯрли урхИла хьунрачи мурул адамти хИербикИули биалли? ШаригИятли мекь суннатлизи халбирули саби ва ил разили дураберкьесра асубируси саби, амма асухИебируси хИебаресра багьес чебси саби («НигИматунала багьуддумала хазна» биклуси хIурматла шейх СягИд-афандила жузлизибад).



Сари гьар секлайзир иличи лехИирхьули риалра, муруй иличи пикри бяхИчихИейалли, хьунуй се барес гЯгИнили?

ХЯдислизиб бурили саби: «Хьунул адамли гьар бархИи шудехИ дехИибала диралли, ду-брурцули ва мурулла ибси бирули риалли илис ихтияр лебси саби сегьуна дигара кьап-улизирад Алжанализи арацлес». ХИечи ЧевяхИси ﷻ разили сай – иличиб разивиези се бирара? Илкьайдали даимдиарая. Ва хьуммартидая: жалтадиркьули, мурулли хIушачи гужли пи-кри бяхИчиаахьес хИедирудая, хIушала раз-иагардешуни муруйс анцИдулкьан, хIушачи илала гьатИира вайлашал хИял барсбирар.



Кредитлис арц касес асу-бирусив?

Кредитла мягИна – банклизирад яра сегьуна биалра декларси организация-лизирад арц касили, гIур замана дикили гьергьи илди арц челяркьути проценту-нира имцИадарили чардирни биалли, ил сегьуналра васвасала агарли хИярамси саби. Илгьуна вачарлис шаригИятлизиб «Риба» или биклар. Кьурьайзивра дурхьа-дешла веГI Аллагь ﷻ викИули сай: (мягИна) «Риба мабукадая». ХИярамси гьуйчир да-рибти арц сецад дахьал диаллира бара-катла хИедирар.



Мурулра нура деклардикира. Дила хьубешабани набзи буриб магьар бехьубли гьергьира шаригИятла тьхЯр-кьайда хЯсибли хИед ит-мадан хИела мура юрт бархьба-тес асухИебирар. Сен хИебируси? ШаригИят хЯсибли декларрикили гьергьира ну мура юртлизир сецадхИи хИеррирули калес гЯгИнисира?

Муруйзирад декларрикили гьергьира хьунул адамлис хИяна хИларийаичи (менструацияби диайчи) цархИиллис шери рукьес асубируси ахлен. ХИилахИерируси хьунул адамлис ил хИябал базла замана саби. ШаригИятли гьа-лавла муруйчи ил замана таманбийаичи сунела гьаларла хьунул гьар секлайчил гьерруцахьес чебихьули саби. ХИед биалли ил замана таманбийаичи мура юртлизирад цархИил мерличи гечриэс ва бегИтаа юртлизи чаррухь-ес асубируси ахлен. Кьурьанни ишкьайда белкИи саби (мягИна): «декларбикибти хьунри хьулибад дугИмайидая (чузибра саби декларбикибти) ва илданира илди хьулри дархьмадатаб, гИддаа замана таманбийаичи». (Сура «Ат-Талакь»).



Стиральный машиналар дирциб-ти палтар дехИбайс умудирувив?

Стиральный машиналар, дясунти шин ардашули че умуги шин дашули диалли сегьуналра урехи агара. Стиральный машиналар илди агарли, гьачам ила кертибти шизир пал-тар ицули диалли, дегИлара гьергьи илди палтар гЯхИил дар-гаэс хИятатбиркур.



Хьунул адамлис сарицунхИели дехИбайс кьамат белчИес хайри-бирусив?

Хьунул адамли дехИбайс дигИянни кьамат белчИни дурхьали (суннатли) бирар. Хьунул адамтала ургабра дигИянни акбар белчИаллира, карагьатли хИебирар, амма ахьли белчИалли хИярамли бирар.

Рузнама

Ноябрь

| Дни | Утренний Ас-СубхИ | Восход солнца | Обеде- нный Аз-Зугьр | Послеобе- денный Аль-Гаср | Вечер- ний Аль- Магьриб | Ночной Аль-ГИшав |
|-----|----------------------|------------------|----------------------------|---------------------------------|----------------------------------|---------------------|
| 1 | 04:45 | 06:21 | 11:35 | 14:20 | 16:44 | 18:14 |
| 2 | 04:46 | 06:23 | 11:35 | 14:19 | 16:43 | 18:13 |
| 4 | 04:49 | 06:25 | 11:35 | 14:17 | 16:40 | 18:10 |
| 6 | 04:51 | 06:28 | 11:35 | 14:15 | 16:38 | 18:08 |
| 8 | 04:53 | 06:30 | 11:35 | 14:13 | 16:36 | 18:06 |
| 10 | 04:55 | 06:33 | 11:35 | 14:12 | 16:33 | 18:03 |
| 12 | 04:58 | 06:35 | 11:36 | 14:10 | 16:31 | 18:01 |
| 14 | 05:00 | 06:38 | 11:36 | 14:08 | 16:29 | 17:59 |
| 16 | 05:02 | 06:41 | 11:36 | 14:07 | 16:28 | 17:58 |
| 18 | 05:04 | 06:43 | 11:37 | 14:06 | 16:26 | 17:56 |
| 20 | 05:06 | 06:46 | 11:37 | 14:04 | 16:24 | 17:54 |
| 22 | 05:08 | 06:48 | 11:38 | 14:03 | 16:23 | 17:53 |
| 24 | 05:10 | 06:50 | 11:38 | 14:02 | 16:22 | 17:52 |
| 26 | 05:12 | 06:53 | 11:39 | 14:01 | 16:20 | 17:50 |
| 28 | 05:14 | 06:55 | 11:39 | 14:01 | 16:19 | 17:49 |
| 30 | 05:16 | 06:57 | 11:40 | 14:00 | 16:19 | 17:49 |

Рузнама МяхИяткьалалала шагьарлис саби

Рекомендовано каноническим отделом Муфтията РД для г. Махачкалы

ХIурматла узби ва рузби!

2016 ибил дуслис «Ас-салам» газеталис кьулбас-бирес даимбиубли саби.
Газета кьулбасбарес вирар чиди-дигара почтала отделениелизиб. Илкьайдали Дагьиста лерилра районтазибти нушала хИянчизартачибад.
«Ас-салам» газета кьулбасбирули, Дагьистайзиб Ислам тинтИбирнилизе хIушалара пай кабирхьулрая...
Кьудратла ВеГI Аллагьли нушала уркИбазиб иман-ра, Исламра, динничи дигира имцИадараб.
Дусла духИнар дурадулхьути газетабала багьни бузри хЯсибли дарсдиклар!
Дирхулра, нушала бучланти газета агарли кахлевлан.

ХIурматла узби ва рузби!

Динничил дархдасун-ти, «Ас-салам» редак-циялизи яра даргала «Ас-салам» газетала ре-дакторличи суалти лер-диалли, хIушани теле-фонна иш гьергьиси номер хЯсибли зянкь-дахьес дирудая:
+7 (988) 771 45 65.
Диубсигьуна кумек бирехИе, ин шаа Аллагь!!!